

Hvernig bregðast félagsráðgjafar við vaxandi áhuga fjölmíðla og samfélagsmiðla á störfum þeirra og viðfangsefnum?

Að ræða þarf eða þegja – þar er efinn

Pröstur Haraldsson



Pröstur
Haraldsson,
blaðamaður

Hver kannast ekki við að í fjölmíðlum upphefjist hávær umfjöllun um vandkvæði einhverra skjólstæðinga félagsþjónustu, barnaverndar eða heilbrigðiskerfis - en fulltrúar þessara stofnana þegja þunnu hljóði og leggja ekkert til málanna? Þegar slíkt fár upphefst gleymist að heita má alltaf að spyrja: Hvernig líður fagfólkini sem fæst við málin?

Það má ekki tjá sig af tillitssemi og hollustu við skjólstæðinga sína og vegna þess að það er bundið þagnarskyldu um málefni þeirra og af síðareglum fagfélags síns. Hvað er starfsfólk ið að hugsa?

Málin sem hér um ræðir eru af ýmsum toga. Stundum hafa foreldrar sem eiga í forsjárdeili vegna barna sinna samband við fjölmíðla, í öðrum tilvikum eru það foreldrar sem hafa verið sviptir forræði yfir börnum sínum af einhverjum orsökum, en það getur líka verið um að ræða fólk sem finnst það eiga harma að hefna vegna þess sem það álitur vera mistök í heilbrigðis- og félagsþjónustu. Flest eiga málin það sameiginlegt að fjölmíðlarnir birta einungis sjónarmið annars aðila deilunnar, hinn er þögull.

Þar liggar vandi fjölmíðlanna. Þeir sem starfa við barnavernd, aðra félagsþjónustu eða heilbrigðisþjónustu eru bundnir trúnaði og geta ekki tjáð sig opinberlega um málefni einstakra skjólstæðinga sinna. Þar með er fjölmíðlum gert ókleift að birta báðar eða allar hliðar málssins eins og þeim ber þó að leitast við að gera. En margir fjölmíðlar falla í freistni því að svona mál eru vinsælt efni. Það er á norrænum málum stundum kallað „social pornografi“ sem þýða má sem félagslegt klám eða afskræming. Hlutir eru rifnir úr samhengi, kjamsað á ógæfu fólks og hún gerð að söluvöru.

Svo hefur tölvuvæðingin og tilkoma samfélagsmiðla aukið á vandann. Segja má að Gróa á Leiti hafi

verið nógum slæm hér áður fyrr en nú þegar hún hefur tölvuvæðst er hún hálfu skæðari. Þess eru dæmi að starfsfólk sem vinnur að barnaverndarmálum sé nafngreint og jafnvæl birtar af því myndir á Netinu. Að sjálfsoðgðu er fréttatflutningur af þessu tagi lítið skárrri, oftast mun verri en sá sem ratar í hina opinberu fjölmíðla.

En hvað getur fagfólk tekið til bragðs til að snúa ofan af þessari þróun? Er ráðlegt fyrir það að taka til mál og svara þeim fjölmíðlum sem kjósa að birta einhliða fréttir af viðkvænum málum? Tímaritið leitaði til þriggja félagsráðgjafa og lagði fyrir þá nokkrar spurningar um þessi mál. Viðmaelendur okkar eru Guðrún Marinósdóttir deildarstjóri meðferðardeilda hjá Barnavernd Reykjavíkur, Páll Ólafsson svíðsstjóri ráðgjafar- og fræðslusviðs Barnaverndarstofu og Guðlaug M. Júlíusdóttir verkefnastjóri félagsráðgjafar á Barna- og unglingageðdeild Landspítalans og Barnasíðala Hringssins.

Þung mál og miklar tilfinningar

Hvernig líður félagsráðgjöfum þegar mál sem heir starfa við á sínum faglega vettvangi eru skyndilega orðin fjölmíðlaefni?

Guðrún: Það getur haft nokkuð viðteik áhrif. Þessi mál geta verið gríðarlega þung og þó maður reyni að leysa úr þeim á faglegan hátt þá eru oft miklar tilfinningar í þeim sem ekki er hægt að hunsa. Ídulega verðum við að taka ákvárdanir sem eru erfidar fyrir þær fjölskyldur sem hlut eiga að málí og þær eru ekki síður erfiðar fyrir okkur sem að málunum vinnum. Því getur svo fylgt umtalsvert aukálag þegar sleggjudómar í fjölmíðlum og samfélagsmiðlum bætast ofan á. Þá er oft snúið að geta ekki rætt mál opinberlega. Oft lendir maður líka í samræðum um svona mál úti í samféluginu og verður þá dálítið út undan – í undarlegri stöðu – því maður má ekkert segja.

Því er stundum haldið fram að þegar einhver aðili málss fari í fjölmíðla sé hann þar með búinn

að opna málið og afléttu trúnaði. En þá vaknar sú síðferðissprungur hjá okkur félagsráðgjöfum hvort við viljum munnhögvgast við fólk í fjölmöldum um börn sem eiga hlut að máli og geta ekki varið sig. Barnið á málið og við erum málsvarar þess. Auðvitað erum við líka málsvarar fjölskyldunnar og reynum að styðja hana. Stundum tekst ekki að halda henni saman og þá erum við málsvarar barnsins, það er skjólstæðingur okkar. Við tökum yfirleitt þann kost að segja minna, enda eru sjaldnast miklir almannahagsmunir í húfi. Flest þessara mála eru flóknir fjölskylduharmleikir.

Guðlaug: Hvernig okkur líður? Við erum manneskjur og þegar mál fara í fjölmölda reynum við að beina athygli okkar að þörfum barnsins og vernda það fyrir fjölmöldlaumræðunni. Um hríð stundaði DV það að taka ljósmyndir af börnum með foreldrum sínum þar sem hægt var að þekkja þau. Með þessu var verið að skerða rétt barnsins til einkalífs og persónuverndar. Sem betur fer hefur dregið úr þessu og einkalíf barnsins hefur fengið meira vægi.

Við teljum okkur vinna starf okkar af kostgæfni og að við þurfum sjaldnast að verja það fyrir utanaðkomandi gagnrýni. Við erum oft að fást við þung og snuín mál þar sem við reynum að virða meðalhóf, jafnræði og andmælarétt. Séu foreldrar engu að síður ósáttir við niðurstöðuna bendum við þeim að leita til landlæknis eða ráðuneytis og vissulega hafa þeir rétt að tala við fjölmöla, kjósi þeir það. Því miður snúast þessi mál oft um færni fólks til að gegna foreldrahlutverkinu og margir eru í eilífri leit að skotmörkum sér til varnar í stað þess að horfa inn á við.

Páll: Starfsfólk barnaverndar vinnur undir miklu á lagi, það telur þyngd mála hafa aukist og að þau séu flóknari. Starfsfólkid upplifir að heimurinn sé orðinn harðari hvað viðkemur samstarfi, trausti og tiltrú almennings á barnaverndarstarfinu. Okkur sem störfum að barnavernd hefur stundum fundist dálitið undarleg öll þessi umræða um álag á heilbrigðisstarfsfólk sem vissulega hefur staðið í ströngu og ekki hefur það batnað eftir hrún. Svona ástand hefur ríkt í barnaverndinni frá því hún varð til í þeirri mynd sem við þekkjum hana. Álagið er alltaf í toppi og hver starfsmaður er með alltof mörg mál. Þau þarf að vinna á alltof skömmum tíma og að gangur að úrræðum sem önnur kerfi eiga að standa að er oft takmarkaður, svo sem fyrir börn með geðræna erfiðleika og miklar fatlanir. Það er ekki gott að fólk liggi á göngum Landspítalans og bíði eftir plássi, en það er verra að börn bíði á göngum

barnaverndarinnar eftir að komast á rétta staði til að fá þjónustu við hæfi.

Þess vegna er það náttúrlega grafalvarlegt þegar fjölmöldar blása upp mál sem síðan er rangtúlkað, teigt og togað í netheimum og veldur því að fólk missir trú á aðstoð frá fagfólk barnaverndar. Þetta verður til þess að erfiðara er fyrir félagsráðgjafa að ná trausti foreldra og barna sem þurfa á þjónustu barnaverndar að halda.

Svörin heyrist ekki

En geta starfsmenn ekki tjáð sig um mál með einhverjum hætti? Jú, þau eru sammála um að svo sé, en að það beri oft líttinn árangur.

Guðrún: Ég hef tekið þátt í að skrifa í blöð um það hvernig málin ganga fyrir sig almennt. Þá reynir maður að leiða almenningi fyrir sjónir með fræðslu um það hvernig málin eru unnin og hvað þurfi að liggja til grundvallar tilteknunum ákvörðunum. Gallinn við þetta er að sliðar greinar veikja ekki þá athygli sem æskilegt væri því að fólk virðist oft hafa mestan áhuga á einhverju „safaríku“ sem jafnvel jaðrar við slúður.

Páll: Félagsráðgjafar geta beint upplýsingum til viðkomandi fréttamanna eða yfirmanna þeirra ef um rangfærslur er að ræða í fjölmöldum og eiga að gera það í mun meira mæli en raunin er. Það er alltaf hægt að tjá sig almennt um mál, málsmeðferð, leiðréttá misskilning eins og þegar fólk ruglar saman aðför sýslumanns og aðgerðum barnaverndar. Við þurfum að láta vita hver beri ábyrgð á forsjármálum og hvenær mál eigi að fara dómtólaleiðina svo dæmi séu tekin.

Njótum ekki verndar

Þeim verður öllum tíðrætt um samfélagsmiðlana sem oftast nær eru mun verri viðureignar en opinberu fjölmödlarnir.

Páll: Umræðan „gegn“ eða „til höfuðs“ barnaverndinni hefur færst í æ meiri mæli yfir á síður netheimanna. Á hinum ýmsu heimasíðum skrifar fólk hluti sem eru þess eðlis að það er eins og það gildi um þau skrif einhver önnur lög eða siðareglur en í öðrum fjölmöldum. Í kjölfar fjölmöldlaumfjöllunar falla svo oft miður falleg ummæli í athugasemdakerfi þessara síðna. Einnig hefur tiltekin útvarpsstöð tekið sérstaklega fyrir störf barnaverndarstarfsfólks, þar er jafnvel talað við mjög veikt fólk og eymd þess beinlínis notuð á síðlausán hátt. Við þessa umfjöllun er erfitt að eiga og líttill vilji hjá fjölmöldum til að leiðréttá rangfærslur.



Guðrún: Í nýlegu máli barna sem flutt voru gegn vilja móður þeirra til annars lands var reynt að benda á að þar væri ekki við barnaverndaryfirvöld að sakast því að málið var á forræði dómskerfisins. En það var lítið hlustað á það, umræðan breyttist ekkert og það var áfram farið niður á Barnaverndarstofu og ráðist að Braga Guðbrandssyni forstjóra. Það virðist ekki þýða mikil að láta í sér heyra og það færir fagfólk frá því að taka til málss. Fólk kærir sig ekki um að stíga fram og munnhögvgast við fjölmiðla.

Guðlaug segist hafa borið það undir lögfræðinga Landspítalans hvort ekki sé hægt að grípa til varna gegn samfélagsmiðlunum, ekki síst þegar einstakir starfsmenn spítalans eru nafngreindir og sakaðir um að vera ófaglegir eða að hafa gerst brotlegir í starfi. „Þeir segja að við njótum engrar verndar gagnvart slíku. Það þurfi hreinlega að hóta okkur ofbeldi til þess að hægt sé að bregðast við á formlegan hátt,“ segir Guðlaug.

Ábyrgð fjölmiðla, hver er hún?

Guðlaug segist hafa aðrar áhyggjur affjölmiðlunum.

„Ég hef spurt mig að því hver sé ábyrgð fjölmiðla á því að bera þetta á borð. Við þekkjum til mala erlendis þar sem fjölmiðlabann hefur verið sett á umfjöllun mala af þessu tagi meðan á málarekstri stóð. Eru einhverjur möguleikar á að stöðva umfjöllun hér á landi meðan mál eru í vinnslu? Ég veit ekki til þess, en það þyrftu að vera slík ákvæði í lögum. Þetta snýst um það að við virðum Barnasáttmálann og rétt barna til þess að dragast ekki inn í málflutning af þessu tagi. Hver er málsvari barnanna í þeim aðstæðum? Eru fjölmiðlar ekki hluti af samfélagi sem vill vernda börn? Þetta truflar mig meira en það hvort við fagfólkid getum svarað fyrir okkur og það sem við gerum.“

Pegar kastljós fjölmiðla beinast að erfiðleikum barna, hvort sem um er að ræða forsjármál, slys eða sjúkdóma, er þess oft ekki gætt að fyrirframan viðtækin sitja börn sem þekkja til eða eru jafnvel fórnarlömb í slíkum málum. Hvaða áhrif hefur slík umfjöllun á þau?

Guðlaug segir að hún hafi tvímælalaust áhrif á börn og oft meiri en margan grunrar. „Sem dæmi má nefna að umfjöllun um óábyrga meðferð á lyfjum við ofvirkni hefur áhrif á börn sem sjálf neyta slíkra lyfja að læknisráði. Þau taka þetta beint til sín. Á þessum aldri eru börn sjálfmiðuð og hafa ekki þroska til að skilja að þarna er verið að fjalla almennt um þessa iðju en ekki þau persónulega. Sá hópur barna sem orðið hefur fyrir

kynferðislegri misnotkun tekur einnig umræðu um slíkt oft á tíðum beint inn á sig.“

Vantar fjölmiðlafulltrúa?

Pegar spurt er hvað fagfólk einsog félagsráðgjafar geri til að standa undir álaginu sem fjölmiðlaumfjöllunin veldur nefna þau öll handleiðsluna sem starfsmenn eiga rétt á að njóta og gerð er krafa um að þeir notfærí sér. Einnig leiti fólk til starfsfélaga eftir stuðningi. En þau taka öll undir að það þyrfti að vera til einhver aðili, eins konar umboðsmaður, sem svarar fyrir fagfólk sem ekki getur varið sig sjálf vegna eðli málss.

Guðrún: Já, mér finnst það alveg koma til greina, ekki síst í ljósi þess hve öflugir miðlarnir eru orðnir. Ef við segjum sem svo að ég væri að fást við mál sem væri áberandi í fjölmiðlum gæti þannig aðili komið til míni og spurt mig hvað væri best að hann segði. Það getur enginn annar svarað fyrir málið en sá sem er að vinna í því, en hann er kannski ekki sá besti til að koma fram út á við og stundum er það beinlínis óvið-eigandi og andstætt siðareglum.

Það er erfitt fyrir fagmann að vinna úr þeim tilfinningum sem málin vekja. Starfsmaður er alltaf fagmaður en um leið og hann kemur fram í blöðum með nafni og mynd þá fer persóna hans að hafa meira vægi. Þetta er hál lína sem getur verið erfitt að halda sig á og auðvelt að misstíga sig. Svo eru bara flestir það störfum hlaðnir að þeir treysta sér ekki til að bæta á sig þeirri vinnu sem svona lagað útheimtir.

Það er búið að stofna fagdeild barnaverndar í Félagsráðgjafafélagi Íslands sem hefur beitt sér fyrir því að skrifa greinar. En í þeim hraða sem nú ríkir í fjölmiðlum þyrfti að vera einhver fjölmiðlafulltrúi sem myndi þá leita til viðkomandi starfsmanns sem sérfræðings um hans sýn á málið. Svo mætti hugsa sér að stofnanirnar sem slíkar geti stigið betur fram í nafni síns umboðs og svarað pólitískum spurningum. Miðlunin hefur aukist og umræðan sömuleiðis, landslagið er breytt svo við þurfum að huga að breyttingum líka.

Páll: Vegna þess álags sem ríkir í starfinu er enn mikilvægara að þeir sem standa að barnavernd og yfirstofnanir þeirra styðji við barnaverndarstarf og þá sem vinna við hana. Þess vegna þykir starfsfólk barnaverndar það mjög erfitt að yfirmenn þeirra, stéttarfélag, fagdeildir eða samstarfsaðilar þegi þunnu hljóði, þegar óhróðurinn er sem mestur gegn fólk sem er að vinna vinnuna sína, og bera fyrir sig trúnaði. Þegar verst lætur getur þetta valdið því að samstaðan og andinn í vinnuhópnum, sem eru þau

bjargráð sem hafa fleytt starfsfólkini áfram, versnar og þá er ekki von á góðu. Þess má geta að samkvæmt niðurstöðum könnunar á kulnunareinkennum meðal félagsráðgjafa, sem gerð var nýlega, kom í ljós að 30% þeirra sýndu einkenni kulnunar sem er grafalvarlegt, og þarf vissulega að skoða nánar.

Svo mörg voru orð þeirra Guðrúnar, Páls og Guðlaugar og kannski ekki miklu við þau að bæta. Guðlaug varpaði fram þeirri spurningu hvort ekki þyrfti að setja í lög heimildir dólmstóla til að stöðva umfjöllun fjölmiðla um barnaverndarmál meðan á málarekstri stæði. Það verður tæplega gert á næstunni því að engin slík ákvæði er að finna í lögum um fjölmiðla,


hvorki þeim sem sett voru 2011 né þeim breytingum sem eru til umfjöllunar í Alþingi en náðu ekki að verða að lögum fyrir þinglok vorið 2013.

Félagsráðgjafar hafa nokkurt hald í siðareglum sínum sem segja þeim að hlýða samvisku sinni og sannfæringu. Þar segir enn fremur í 3. grein: „Félagsráðgjafi gætir trúnaðar um þau mál sem hann verður áskynja í starfi sínu. Undantekningu frá þagnarskyldu má einungis gera samkvæmt lagabóði eða af brýnni nauðsyn.“ Á hinn bóginn segir í 16. grein að þeim sé bæði frjálst og skylt að miðla þekkingu sinni sem víðast og til alls almennings. Það er því ekkert sem stöðvar þá í að ræða málin opinberlega, svo lengi sem trúnaður er haldinn við skjólstæðinga.

Hver er í fjölskyldunni? Skilnaðir og stjúptengsl

Höfundur: Valgerður Halldórsdóttir
Vaka-Helgafell. Reykjavík. 2012
225 bls. ISBN 978-9979-2-2198-2

Bókarumfjöllun



Bókin *Hver er í fjölskyldunni? Skilnaðir og stjúptengsl*, eftir Valgerði Halldórsdóttur, kennara og félagsráðgjafa, MA, fjallar um tengsl og aðstaður í hinni margbreytilegu fjölskyldu í samfélagi nútímans þar sem skilnaður hjóna og para ásamt myndun stjúpfjölskyldna er orðinn algengur viðburður. Það er fagnaðarefnai að út skuli vera komin bók um

íslenskan veruleika á þessu svíði. Margt hefur gerst síðustu áratugi hvað varðar söfnun fróðleiks um stjúptengsl og stjúpfjölskyldur á Íslandi með rannsóknunum og skrifum af ýmsu tagi. Engu að síður er hér um tímamótaverk að ræða. Bókin er hvort tveggja í senn, hugsuð fyrir almenning ásamt því að nýtast fagaðilum og öðrum sem að málefnum fjölskyldna koma.

Formála að bókinni skrifar dr. Sigrún Júlíusdóttir, félagsráðgjafi og prófessor við Háskóla Íslands. Þar rekur hún á greinargóðan hátt þá þróun og þann breytileika sem átt hefur sér stað hjá fjölskyldunum í landinu, þróun sem tekur á sig margvísleg birtingarform og skapar ótal fjölskyldumynstur.

Bók Valgerðar er byggð á faglegri þekkingu höfundar ásamt tiltækum rannsóknunum og klínískri vinnu

en síðast en ekki síst nýtir höfundur sína eigin persónulegu reynslu í skrifum sínum sem gerir verkið í heild bæði trúverðugt og hagnýtt.

Bókin skiptist í tíu kafla. Í hverjum þeirra eru teknir fyrir ákveðnir þættir og þemu sem tengjast daglegum veruleika stjúpfjölskyldunnar. Í fyrsta kafla bókarinnar er t.d. byrjað á því að fjalla um skilgreiningar, þ.e. hvernig stjúpfjölskyldan skilgreinir sig og hvernig hún er skilgreind í samfélagini. Höfundur notar hugtakið stjúpblindu í því sambandi. Fjallað er um þær margvíslegu breytingar sem eiga sér stað þegar stjúptengsl myndast. Í öðrum kafla talar höfundur um að fjölskyldan sé eins og órói og á þá við að allar breytingar hafi einkum áhrif í fyrstu. Jafnframt er fjallað um þær breytingar sem verða á hlutverkum, ábyrgð og efnahagslegri stöðu. Pannig býður hver kafla upp á tiltekin viðfangsefni sem öll tengjast myndun stjúpfjölskyldna og þeirri þróun sem átt getur sér stað þegar fram líða stundir.

Í byrjun hvers kafla eru sett fram atriði í spurnarformi sem fá sína umfjöllun í kaflanum. Undantekning frá þessu er síðasti kaflinn sem erstatt hugleiðing um hátiðir og gjafir í stjúpfjölskyldum. Hver kafla endar síðan á íhugunarpunktum sem eru eins konar niðurstaða umfjöllunarinnar og eru vel til þess fallnir að vekja vangaveltur og umræður um hina ýmsu þætti. Þessi framsætning gefur möguleika á því fletta upp á ákveðnum viðfangsefnum sem fólk eru hugleikin hverju sinni.

Ef foreldrar, sem ekki búa saman, vilja t.d. bæta foreldrasamvinnuna er hentugt að lesa þriðja kafla bókarinnar og velta síðan fyrir sér íhugunarpunktunum. Þar er fjallað um tengsl foreldranna, hvort þau snuist fyrst og fremst um velferð barnanna eða séu e.t.v. of nán eða einkennist af illdeilum.